

P R Æ F A T I O.

Etanda fuit ob varietatem materiæ. Nam si de officio singulorum auditorum, puta patrum familias, matrum familias, liberorum, herorum, seruorum, coniugum, agricolarum, opificum, mercatorum, magistratum, subditorum, typographorum, professorum, aduocatorum, & similiu scribere aggressus fuisset, integram obseruationum syluam congerere necesse habuisset. Quam quidem diligentiam nimiam futuram fuisse facile intelligent, qui ex generalibus præceptis & regulis cuiuslibet politiæ ecclesiasticæ applicatis fœcundissimam obseruationum practicarum messem oriri perspectum habent. Videamus iam usum huius laboris, qui quidem est geminus. Nam præcepta & regulæ sunt faces intelligentiæ & bases reminiscentiæ: promptuarium vero concionu est insigne praxis ecclesiasticæ adiumentum. Quid enim? Si concio sit habenda, candidatus ministerii, vel etiam minister non usquequaque exercitatus, imo etiam exercitatus, potest recurrere ad quatuor nostras classes, & inde sumere non tantum materiã, sed etiam formam concionis sacræ, hoc modo: Conciones pertinentes ad librum naturæ seu theologiã naturalem, item Catechetica & locorum communium, ita sunt comparata, vt ad varios textus applicari possint. Conciones dominicales, funebres, & similes facile inuenientur, si habeamus textum. v. g. si velis habere concionem dominicalem Dominica
prima